

UNIVERZITET U TUZLI

**ODLUKA
O IZMJENAMA I DOPUNAMA STATUTA UNIVERZITETA
U TUZLI**

TUZLA, novembar 2010. godine

Na osnovu člana 12. stav 2. i člana 16.stav 2.alineja 2. Okvirnog zakona o visokom obrazovanju u Bosni i Hercegovini ("Službeni glasnik BiH" broj: 59/07 i 59/09), člana 44.st.2,3. i 5. i člana 59.stav 1. tačka b) Zakona o visokom obrazovanju ("Službene novine Tuzlanskog kantona" broj: 8/08, 11/09 i 12/09), člana 18.stav 1. tačka a) i člana 29.stav 1. tačka b) Zakona o Univerzitetu u Tuzli ("Službene novine Tuzlanskog kantona" broj: 9/08 i 8/10) te člana 75.stav (1) tačka 2), člana 283. i člana 285. stav (1) Statuta Univerziteta u Tuzli, a uz prethodno pribavljenu saglasnost Vlade Tuzlanskog kantona broj: 02/1-38-22115-1/10 od 22.11.2010. godine, Senat Univerziteta u Tuzli na sjednici održanoj 24.11.2010. godine, donio je

ODLUKU O IZMJENAMA I DOPUNAMA STATUTA UNIVERZITETA U TUZLI

Član 1.

U članu 11. stav (2) riječi: "ulica dr" zamjenjuju se riječima: "Ul.Dr."

Član 2.

U članu 21. stav (1) tačke r), x), y), cc) i dd) se brišu.

Dosadašnje tačke s), t), u), v), w), z), aa) i bb) istog stava postaju tačke r), s), t), u), v), w), x) i y), s tim da se na kraju teksta tačke r) dodaje zarez i riječi: "osim stručne izrade planskih dokumenata".

U istom članu stav (3) riječi: "do dd)" zamjenjuju se riječima: "do y)".

Član 3.

Član 25. mijenja se i glasi:

"(1) Unutrašnja organizacijska struktura Univerziteta, za ostvarivanje osnovnih zadataka iz stava (2) prethodnog člana, zasniva se na uspostavljanju:

- A. Grupacija nauka i umjetnosti,
- B. Organizacionih jedinica: fakulteta, Akademije, visokih škola i Studentskog centra,
- C. Užih naučnih/umjetničkih oblasti organizovanih na nivou Univerziteta/fakulteta /studijskih odsjeka,
- D. Podorganizacionih jedinica Univerziteta/fakulteta/ADU,

(2) Univerzitet i fakulteti/ADU mogu imati podorganizacione jedinice za potrebe organizovanja naučno/umjetničko/nastavne djelatnosti, kao što su: instituti, centri, klinike, uredi, scena, Univerzitetska biblioteka, informacijski centri, filmski, TV i audio studio, zavodi, laboratorije, radionice, vježbaonice, sportske dvorane i Univerzitetski press centar.

(3) Radi komercijalizacije rezultata naučno-istraživačkog i umjetničkog rada na Univerzitetu, kao i njegovim organizacionim jedinicama uz saglasnost Senata Univerziteta, mogu se, organizovati podorganizacione jedinice iz tačke D stava (1) ovog člana kao što su: centar za transfer tehnologija, inovacioni centar, poslovno-tehnološki park, inženjerski biro, radionice, radio, scena, sportske dvorane i centri, Centar za izdavačku djelatnost, i druge podorganizacione jedinice, u skladu sa zakonom.

(4) Organizovanje užih naučnih/umjetničkih oblasti iz tačke C. stava (1) ovog člana uredit će se posebnim Pravilnikom kojeg donosi Senat".

Član 4.

U članu 26. stav (2) u tački d) iza riječi "razvoj" dodaju se riječi " i ekonomsko-finansijske poslove".

U istom stavu tačka f) se briše.

Član 5.

U članu 32. iza stava (4) dodaje se novi stav (5) koji glasi:
"Prihodi i rashodi organizacionih jedinica/Univerziteta vode se na internim podračunima".

Član 6.

U članu 38. alineje 3. i 4. se brišu.
Dosadašnja alineja 5. istog člana postaje alineja 3.

Član 7.

U članu 39. alineja 4. se briše.
Dosadašnja alineja 5. istog člana postaje alineja 4.

Član 8.

U članu 40. alineja 8. se briše.
Dosadašnja alineja 9. istog člana postaje alineja 8.

Član 9.

U članu 41. alineja 3. se briše.
Dosadašnje alineje 4. i 5. istog člana postaju alineje 3. i 4.

Član 10.

U članu 42. alineje 2,3. i 5. se brišu.
Dosadašnja alineja 4. istog člana postaje alineja 2., dok dosadašnja alineja 6. postaje alineja 3.

Član 11.

U članu 44. alineja 6. se briše.
Dosadašnja alineja 7. istog člana postaje alineja 6.

Član 12.

U članu 45. alineje 2,3. i 4. se brišu.
Dosadašnja alineja 5. istog člana postaje alineja 2.

Član 13.

U članu 46. alineja 4. se briše.
Dosadašnja alineja 5. istog člana postaje alineja 4.

Član 14.

U članu 47. alineja 6. se briše.
Dosadašnja alineja 7. istog člana postaje alineja 6.

Član 15.

U članu 48. alineja 9. se briše.
Dosadašnja alineja 10. istog člana postaje alineja 9.

Član 16.

U članu 49. alineja 6. se briše.
Dosadašnja alineja 7. postaje alineja 6.

Član 17.

U članu 55. stav (2) u tački d) iza riječi "razvoj" dodaju se riječi "i ekonomsko-finansijske poslove".

U istom članu st. (4) i (5) se brišu.

Član 18.

Član 56. mijenja se i glasi:

"Na nivou Univerziteta, kao nezavisna podoorganizaciona jedinica, uspostavlja se Centar za osiguranje kvaliteta i internu evaluaciju, čiji je djelokrug rada utvrđen zakonom, podzakonskim aktima i Pravilnikom o unutrašnjoj organizaciji".

Član 19.

Član 59. mijenja se i glasi:

"(1) Organi Univerziteta su:

1. Upravni odbor
2. Senat
3. Rektor.

(2) Organi iz prethodnog stava mogu imati svoje stručne komisije i druga savjetodavna i stručna tijela".

Član 20.

U članu 72. stav (1) iza tačke a) dodaje se nova tačka b) koja glasi:

"Daje prethodnu saglasnost na Listu kandidata za izbor Rektora, u dijelu poštivanja procedura i uslova propisanih zakonom i ovim Statutom, u roku od 15 dana od dana prijema Liste kandidata".

U istom stavu dosadašnja tačka b) postaje tačka c) i ista se mijenja i glasi:

" c) Donosi Pravilnik o radu, Pravilnik o unutrašnjoj organizaciji, Pravilnik o načinu utvrđivanja plaća na Univerzitetu, kao i druge opće akte kojima se ne uređuju akademska pitanja;".

Iza nove tačke c) istog stava dodaju se nove tačke d) i e) koja glasi:

"d) Donosi opće akte, kojima se utvrđuje visina naknade i način raspoređivanja ostvarenih vlastitih prihoda, u skladu sa zakonom i drugim propisima na prijedlog Rektora;

e) Bira i razrješava direktora SC.

Dosadašnje tačke c) do p) istog stava postaju tačke f) do s).

Član 21.

Član 73. mijenja se i glasi:

" (1) Senat je najviše izborno akademsko tijelo na Univerzitetu, kojeg čine:

- 1) Rektor, koji je član Senata po funkciji;
- 2) Po jedan predstavnik fakulteta/ADU-a iz reda nastavnika, kojeg tajnim glasanjem bira NNV/UNV;
- 3) Po jedan predstavnik fakulteta/ADU-a iz Vijeća grupacija, kojeg tajnim glasanjem bira NNV/UNV;
- 4) Predstavnik ostalih zaposlenika, sa najmanje visokom stručnom spremom, kojeg tajnim glasanjem biraju zaposlenici Univerziteta iz reda administrativnog osoblja i

- 5) Ukupno 5 (pet) predstavnika studenata iz sva 3 (tri) ciklusa studija, uz uslov da imaju status redovnog studenta na Univerzitetu.
- (2) Članovi Senata iz tačaka 2) do 4) prethodnog stava biraju se na mandatni period od 2 (dvije) godine, a članovi Senata iz tačke 5) prethodnog stava biraju se na mandatni period od jedne akademske godine, s mogućnošću reizbora, kao i opoziva od strane organa koji ih je izabrao.
- (3) Predlagači članova Senata iz tačaka 2) do 5) stava (1) ovoga člana mogu biti svi zaposlenici/studenti koji učestvuju u njihovom izboru.
- (4) U slučaju spriječenosti Rektora, koji je po položaju predsjednik Senata, mijenja ga član Senata kojeg ovlasti Rektor.
- (5) Sjednicom Senata predsjedava Rektor, osim u slučaju izbora Rektora, ukoliko je on kandidat za tu funkciju".

Član 22.

U članu 74. stav (1) mijenja se i glasi:

"(1) Predstavnici studenata participiraju u sastavu Senata kako slijedi:

- | | |
|--|----------|
| a) Studenti prvog ciklusa studija | 3 člana, |
| b) Studenti drugog ciklusa studija | 1 član i |
| c) Studenti trećeg ciklusa studija | 1 član". |

Član 23.

Član 75. stav (1) mijenja se i glasi:

"(1) Senat, u skladu sa zakonom i ovim Statutom, razmatra i odlučuje o svim akademskim pitanjima, a posebno:

- 1) Nastavno – naučnoj, umjetničkoj, naučno – istraživačkoj i stručnoj djelatnosti Univerziteta;
- 2) Donosi Statut i druge opšte akte, kojima se uređuju akademska pitanja, u skladu sa zakonom;
- 3) Predlaže strategiju razvoja Univerziteta u dijelu akademskih pitanja;
- 4) Donosi akt o politici osiguranja kvaliteta i metoda samoevaluacije za sva 3 (tri) studijska ciklusa;
- 5) Donosi Etički kodeks, kojim se utvrđuju etička načela u visokom obrazovanju, objavljivanje naučnih rezultata, odnos prema intelektualnoj svojini, odnosi između nastavnika i saradnika, drugih zaposlenih i studenata i druga pitanja;
- 6) Donosi Pravilnik o radu Savjeta za nauku i umjetnost;
- 7) Donosi Pravilnik o matičnosti Univerziteta/fakulteta/studijskih odsjeka/ADU-a/VŠ-a;
- 8) Usvaja studijske programe, odnosno nastavne planove i nastavne programe dodiplomskog, postdiplomskog i doktorskog studija, odnosno prvog, drugog i trećeg ciklusa studija;
- 9) Utvrđuje smjernice za izradu prijedloga Pokrivenosti nastave za narednu akademsku godinu na fakultetima/ADU/VŠ-ima i usvaja Pokrivenost nastave;
- 10) Donosi Odluku o utvrđivanju Liste opštih izbornih predmeta;
- 11) Utvrđuje prijedloge akata o visini troškova za sticanje naučnog stepena magistra i doktora nauka i drugih naknada koje Univerzitet ostvaruje kao vlastite prihode te načinu njihovog raspoređivanja;

- 12) Raspisuje javne konkurse za upis kandidata na sva 3 (tri) ciklusa studija, te za prijem studenata u studentske domove;
- 13) Prati implementaciju nastavnih planova i nastavnih programa dodiplomskog, postdiplomskog i doktorskog studija i po okončanju ciklusa, pokreće postupke za njihovu cjelovitu periodičnu evaluaciju;
- 14) Utvrđuje kalendar odvijanja nastavnog procesa, vremenske planove realizacije studijskih programa, odnosno nastavnih planova i nastavnih programa dodiplomskog, postdiplomskog i doktorskog studija na Univerzitetu;
- 15) Bira/imenuje i razrješava članove Upravnog odbora iz reda akademskog osoblja Univerziteta, Rektora i voditelja Centra za osiguranje kvaliteta i internu evaluaciju, a prorektore, generalnog sekretara i voditelja univerzitetskog instituta/univerzitetskog centra na prijedlog Rektora;
- 16) Raspisuje javne i interne konkurse za izbor akademskog i naučno – istraživačkog osoblja;
- 17) Vršiti izbor u naučno-nastavna, umjetničko-nastavna, nastavna i saradnička zvanja;
- 18) Imenuje komisije u postupku sticanja naučnog stepena doktora nauka i usvaja njihove izvještaje;
- 19) Dodjeljuje zvanja "profesor emeritus", te "počasni doktor nauka";
- 20) Donosi program za sticanje osnova pedagoškog znanja izabranih asistenata;
- 21) Evaluira rezultate prolaznosti studenata po okončanju zimskog semestra i akademske godine, te utvrđuje mjere za unapređenje stanja u naučno – nastavnom procesu u cjelini i u pojedinim segmentima;
- 22) Donosi Registar domaćih publikacija po naučnim oblastima;
- 23) Podnosi Upravnom odboru prijedlog godišnjeg programa rada Univerziteta;
- 24) Utvrđuje i podnosi Vladi TK elaborat o osnivanju, statusnoj promjeni ili prestanku organizacione jedinice Univerziteta;
- 25) Podnosi, na osnovu usvojenog elaborata, Upravnom odboru prijedlog za osnivanje, statusnu promjenu ili prestanak organizacione i podorganizacione jedinice Univerziteta;
- 26) Odobrava razvojne i organizacione programe i planove Univerziteta;
- 27) Imenuje stalna ili privremena tijela, radne grupe, komitete, grupe za praćenje kvaliteta rada, radi pripreme prijedloga ili davanja mišljenja o pitanjima iz djelokruga rada Senata;
- 28) Propisuje odredbe kojima se reguliše rad organa koje imenuje Senat;
- 29) Utvrđuje upisne kvote i donosi odluku o visini školarine, u skladu sa potrebama tržišta rada, uz prethodnu saglasnost Vlade TK;
- 30) Donosi odluke o visini participacije za studente koji obnavljaju studijsku godinu uz saglasnost Upravnog odbora, te visini naknade za ponovno polaganje završnog ili popravnog ispita iz nepoloženih predmeta, u godini koju obnavlja;
- 31) Odobrava odsustva sa rada radi stručnog usavršavanja zaposlenika, u trajanju preko 30 dana;
- 32) Daje odobrenje za angažovanje zaposlenih nastavnika u nastavi na drugim visokoškolskim ustanovama u skladu sa opštim aktom kojeg donosi Senat;
- 33) Razmatra ostala pitanja i donosi odluke, u skladu sa zakonom, ovim Statutom i drugim opštim aktima".

Član 24.

U članu 82. stav (3) na kraju teksta tačke a) briše se tačka-zarez i dodaju riječi: "na Univerzitetu".

U istom članu iza stava 5. dodaje se novi stav 6. koji glasi:

"Kandidat za Rektora, koji u toku mandata stiče uslove za penziju, ne može biti izabran za Rektora".

Iza stava 6. dodaje se novi stav (7) koji glasi:

"Odredba prethodnog stava analogno se primjenjuje i kod izbora kandidata na pozicije prorektora, dekana, direktora i voditelja univerzitetskih centara".

Član 25.

U članu 85. na kraju teksta stava (1) tačka se zamjenjuje zarezom i dodaju riječi: "i istu dostavlja Upravnom odboru radi davanja prethodne saglasnosti u dijelu poštivanja procedura i uslova propisanih zakonom i ovim Statutom".

Član 26.

U članu 88. stav (1) mijenja se i glasi:

"Ako pozicija Rektora, prije isteka perioda na koji je izabran, ostane upražnjena iz ličnih i drugih razloga utvrđenih u članu 94. stav (1) ovog Statuta, Senat će, bez raspisivanja konkursa iz reda svojih članova u naučno-nastavnom zvanju redovnog profesora zaposlenog na Univerzitetu u punom radnom vremenu izabrati vršioca dužnosti Rektora, koji će obavljati dužnost do izbora novog Rektora, a najduže 6 (šest) mjeseci".

Iza stava 2. dodaje se novi stav 3. koji glasi:

"Odredba stava 1. ovog člana analogno se primjenjuje i kod imenovanja na pozicije prorektora, dekana, direktora i voditelja univerzitetskih centara, u skladu sa Statutom".

Član 27.

U članu 96. stav (1) u tački 4. iza riječi: "Prorektor za razvoj" dodaju se riječi: "i ekonomsko-finansijske poslove".

Član 28.

U članu 97. stav (1) riječi "tačke b) – f)" zamjenjuje se riječima b) – e)".

Član 29.

U članu 101. u stavu (1) riječi: "mišljenja za izbor o svakom kandidatu pojedinačno" zamjenjuju se riječima "prijedloga za izbor kandidata".

U stavu (2) istog člana riječ "mišljenja" zamjenjuje se riječju "prijedlog".

Iza stava (2) dodaje se novi stav (3) koji glasi:

"odredbe prethodnih stavova analogno se primjenjuju i kod imenovanja na pozicije voditelja univerzitetskih centara".

Član 30.

U članu 109. u stavu (1) iza riječi: "Prorektor za razvoj" dodaju se riječi: "i ekonomsko-finansijske poslove".

U tački a) istog stava riječi: "Rukovodi i koordinira" zamjenjuju se riječju: "Usmjerava".

U istom stavu iza tačke c) dodaju se nove tačke d) do h) koje glase:

"d) Koordinira i organizira rad Službe za ekonomsko – finansijske poslove;

- e) Predlaže Rektor u politiku finansiranja i razvoja Univerziteta;
 - f) Učestvuje u izradi budžetskih zahtjeva, prijedloga finansijskih planova i izvještaja o finansijskom poslovanju Univerziteta, te prijedloga Plana nabavki;
 - g) Ostvaruje saradnju sa resornim ministarstvima, bankama i drugim poslovnim partnerima;
 - h) Predlaže Rektor u mjere za prevazilaženje finansijskih problema;"
- U istom stavu dosadašnje tačke d) do g) postaju tačke i) do l).
U tački j) istog stava iza riječi: "pripremi sjednice" dodaju se riječi: "i radu".
U tački k) istog stava iza riječi: "razvojem" dodaju se riječi: "i finansiranjem".
U stavu (2) istog člana iza riječi: "Prorektor za razvoj" dodaju se riječi: "i ekonomsko-finansijske poslove".

Član 31.

U članu 136. iza stava (2) dodaje se novi stav (3) koji glasi:
" Izuzetno, u slučaju da se ni nakon dva uzastopno raspisana konkursa ne izvrši izbor dekana niti vršioca dužnosti dekana, a da je pri tome istekao mandat dekane, Senat će, na prijedlog Rektora imenovati vršioca dužnosti dekane javnim glasanjem".

Član 32.

U članu 142. stav (2) mijenja se i glasi:
"Po dva prodekane za nastavu i studentska pitanja biraju se na: Medicinskom fakultetu za potrebe predkliničkog i kliničkog dijela studija; na Filozofskom fakultetu za grupaciju društvenih i za grupaciju humanističkih nauka, a na Ekonomskom fakultetu za potrebe četverogodišnjeg općeg studija i za potrebe Visoke poslovne škole".
U stavu (5) istog člana iza riječi: "MF-u" dodaju se riječi: "i Farmaceutskom fakultetu", a tekst iza riječi: "sa javnom zdravstvenom ustanovom" se briše.

Član 33.

U članovima 155. stav (1), 156, 159, 160, 161. st. (1) i (2), 163, 164. st. (1), (2) i (4), 165. stav (1) i 166. riječ: "Senat" u odgovarajućem padežu zamjenjuje se riječima: "Upravni odbor".

Član 34.

U članu 158. stav (1) tačka a) mijenja se i glasi:
"Da ima završen Ekonomski fakultet u četverogodišnjem trajanju i radno iskustvo u trajanju od najmanje 5 (pet) godina, od čega najmanje 3 (tri) godine na rukovodećim poslovima i druge uslove utvrđene Pravilnikom o unutrašnjoj organizaciji".

Član 35.

U članu 166. iza stava (1) dodaje se novi stav (2) koji glasi:
"Odluka Upravnog odbora o razrješenju direktora SC-a je konačna".
Dosadašnji st. (2) i (3) istog člana postaju st. (3) i (4).

Član 36.

Iza člana 182. dodaje se novi član 182a) koji glasi:
"Student ima pravo uvida u bodovanje i pravo prigovora na predispitne aktivnosti i rezultate završnih, popravnih i dodatnih popravnih ispita, na način i po postupku utvrđenom Pravilima studiranja".

Član 37.

U članu 186. stav (1) mijenja se i glasi:

"Studentu koji obnavlja studijsku godinu daje se mogućnost izbora na ponovno slušanje nastave i kontinuirano praćenje i provjeru znanja, iz nastavnih predmeta koje nije položio".

Član 38.

U članu 190. stav (2) mijenja se i glasi:

"Student može prenijeti u narednu godinu studija najviše 10 (deset) ECTS bodova ili najviše 2 (dva) predmeta, ukoliko zajedno nose više od 10 (deset) ECTS bodova, osim ukoliko je studijskim programom uslovljeno da određeni nastavni predmeti moraju biti prethodno položeni, te ukoliko zakonom nije drugačije određeno".

Član 39.

U članu 206. stav (3) riječi: "6 (šest) ECTS bodova ili najviše jedan predmet koji nosi više od (šest) ECTS bodova " zamjenjuju riječima: "10 (deset) ECTS bodova ili najviše dva predmeta ukoliko zajedno nose više od 10 (deset) ECTS bodova, ukoliko zakonom nije drugačije određeno".

Stav 4. istog člana mijenja se i glasi:

"Redovni student iz stava (1) tačka 2) ovoga člana, koji u toku akademske godine, ostvari 60 ECTS bodova, ili ostvari uslov za upis u narednu godinu u smislu prethodnog stava ovog člana, stiče status studenta koji se finansira iz budžeta Kantona, ukoliko zakonom nije drugačije određeno ".

Član 40.

U članu 239. stav (1) mijenja se i glasi:

"Uslov za izbor u saradničko zvanje lektora je završen stepen drugog ciklusa (magisterij) iz odgovarajuće naučne oblasti".

U istom članu stav (3) mijenja se i glasi:

"Uslov za izbor u saradničko zvanje višeg asistenta je završen stepen drugog ciklusa (magisterij) iz odgovarajuće naučne oblasti".

Stav (4) istog člana mijenja se i glasi:

"Ukoliko se na konkurs prijavi više kandidata koji ispunjavaju uslov za izbor u zvanje višeg asistenta, pri izboru će se uzeti u obzir slijedeći kriteriji: visina prosječne ocjene na postdiplomskom studiju, broj objavljenih naučnih i stručnih radova, pokazana sklonost za nastavni i naučno-istraživački rad, učešće u radu na naučno-istraživačkim projektima te poznavanje jednog svjetskog jezika najmanje srednjeg nivoa, a koje će vrjednovati komisija koja priprema prijedlog za izbor u skladu sa posebnim opštim aktom kojeg donosi Senat".

U stavu (5) istog člana riječi: "naučno-nastavno" zamjenjuju se riječju: "saradničko"; a alineje 3. i 4. se brišu.

U stavu (6) istog člana riječi: "Izuzetno od odredaba stavova" zamjenjuju se riječima: "Osim uslova utvrđenih u st."

Iza stava (6) istog člana dodaje se novi stav (7) koji glasi:

"Izuzetno od odredbe prethodnog stava, na nastavni predmet pretežno orijentisan na rad sa medicinskom opremom može se izvršiti izbor i saradnika iz odgovarajuće tehničke naučne oblasti i bez stručnog stepena specijaliste".

Dosadašnji st. (7) i (8) istog člana postaju st. (8) i (9).

Stav (8) istog člana mijenja se i glasi:

"Ukoliko se na Konkurs za izbor u zvanje asistenta prijavi više kandidata koji ispunjavaju uslove za izbor, pri izboru će se uzeti u obzir slijedeći kriteriji: visina ukupne prosječne ocjene, visina prosječne ocjene iz uže naučne oblasti/nastavnog predmeta na koju/i se kandidat bira, dužina studiranja, pokazan smisao za istraživački rad, poznavanje rada na računaru i poznavanje jednog svjetskog jezika, najmanje srednjeg nivoa, a koje će vrjednovati komisija koja priprema prijedlog za izbor, u skladu sa posebnim opštim aktom, kojeg donosi Senat".

Član 41.

U članu 240. stav (1) alineje 2 i 3 se brišu .

U alineji 4 istog stava, koja postaje alineja 2., riječ: "Dokazana" zamjenjuje se riječju: "Pokazana".

U stavu (2) istog člana alineja 2 se briše, a dosadašnja alineja 3 postaje alineja 2.

U stavu (3) istog člana u alineji 2 briše se slovo "i" i dodaje tačka, a alineja 3 se briše.

Član 42.

U članu 241. st. (2) i (3) mijenjaju se i glase:

"(2) Za izbor u naučno-nastavna, umjetničko-nastavna, nastavna i umjetnička zvanja kandidati koji nisu zaposlenici Univerziteta, prilažu dokaz o radnom iskustvu u struci u trajanju od najmanje 4 (četiri) godine.

(3) Državljeni BiH-a, koji su naučni stepen doktora nauka stekli na univerzitetima u inostranstvu, pokazanu nastavničku sposobnost, odnosno iskustvo u radu dokazuju dokumentovanjem učešća u nastavi/na naučno-istraživačkim projektima".

Iza stava (3) istog člana dodaje se novi stav (4) koji glasi:

"Kandidati iz prethodnih stavova ovog člana, koji nemaju iskustvo u pedagoškom radu u nastavi, moraju imati pozitivno ocijenjeno pristupno predavanje".

Član 43.

U članu 242. stav (1) u alineji 5. iza riječi: "3,5 (triipo)" stavlja se tačka, a preostali dio teksta se briše.

U istom članu stav (2) mijenja se i glasi:

"Izbor u zvanje višeg asistenta i asistenta se vrši prema kriterijima utvrđenim u članu 239. stav (4), odnosno stav (8)".

Član 44.

U članu 246. iza stava (5) dodaje se novi stav (6) koji glasi:

"Odluku o produženju izbornog perioda, u smislu stavova (4) i (5) ovog člana, donosi Senat na obrazložen prijedlog NNV/UNV".

Član 45.

U članu 248. iza stava (1) dodaje se novi stav (2) koji glasi:

"Izuzetno od odredbe prethodnog stava Senat, na obrazložen prijedlog NNV-a/UNV-a, o postojanju potrebe za nastavnikom može izvršiti izbor zaposlenika u zvanju višeg asistenta u naučno-nastavno/umjetničko-nastavno zvanje docenta, ukoliko ispunjava uslove za izbor u to nastavničko zvanje i koji je u zvanju višeg asistenta proveo najmanje 3 (tri) godine, pod uslovom da na užoj naučnoj oblasti/nastavnom predmetu nije izabran potreban broj nastavnika koji su u radnom odnosu na Univerzitetu".

Dosadašnji st. (2) i (3) istog člana postaju st. (3) i (4).

Član 46.

U članu 249. stav (2) riječ: "najkasnije" zamjenjuje se riječima: "u pravilu".

Član 47.

U članu 263. stav (1) briše se riječ: "svom", a iza riječi: "redovnom profesoru" dodaju se riječi: "izabranom na Univerzitetu".

U stavu (2) istog člana riječ: "naučnog" se briše.

Član 48.

U članu 277. iza stava (3) dodaje se novi stav (4) koji glasi:

"Senat donosi poseban opći akt kojim se bliže određuje forma i sadržaj diplome kao i grafički standardi za njenu izradu".

Član 49.

U članu 278. dodaje se novi stav (1) koji glasi:

"Diploma se izdaje na jednom od službenih jezika i službenih pisama u BiH-u".

Dosadašnji stav (1), koji postaje stav (2), mijenja se i glasi:

"Ukoliko se nastava izvodi na stranom jeziku, diploma se može izdati i na jednom od službenih jezika u BiH i na stranom jeziku".

Dosadašnji stav (2) se briše.

Član 50.

Na kraju teksta člana 281. briše se tačka i dodaju riječi: "koje donosi Senat".

Član 51.

U članu 284. stav (2) mijenja se i glasi:

"Pravilnik o radu, Pravilnik o unutrašnjoj organizaciji i Pravilnik o načinu utvrđivanja plaća na Univerzitetu kao i druge opće akte kojima se ne uređuju akademska pitanja, donosi Upravni odbor".

Član 52.

U članu 286. stav (1) mijenja se i glasi:

"Statut i drugi opšti akti stupaju na snagu danom donošenja, osim Pravilnika o radu koji stupa na snagu osmog dana od dana njegovog objavljivanja na oglasnoj ploči".

Član 53.

U članu 289. stav (4) Statuta umjesto tačke se stavlja zarez i dodaju riječi "te opšti akti Univerziteta".

Član 54.

U članu 293. iza stava (6) dodaje se novi stav (7) koji glasi:

"Lica koja su započela dodiplomski studij na dvopredmetnim studijskim odsjecima FF, (Biologija-Hemija; Historija-Geografija i Matematika-Fizika), u obavezi su završiti započeti studij, uključujući i odbranu diplomskog rada, najkasnije do 30.09.2011. godine".

Stav 8. se briše.

Dosadašnji stav (9) istog člana postaje stavom (8).

Iza stava (8) dodaje se novi stav (9) i glasi:

"Univerzitet je obavezan organizovati treći ciklus studija najkasnije do početka akademske 2011/2012 godine, na studijskim programima na kojima se za to steknu uslovi."

Iza stava (9) dodaje se novi stav (10) koji glasi:

"Do uspostavljanja trećeg ciklusa studija u sastav Senata ulaze 4 (četiri) predstavnika redovnih studenata prvog ciklusa studija i 1 (jedan) predstavnik studenata drugog ciklusa studija."

Član 55.

Iza člana 293. dodaje se novi član 293a) koji glasi:

"Član 293a)

"(1) Student upisan na dodiplomski studij na dan stupanja na snagu Zakona o izmjenama i dopunama Zakona o visokom obrazovanju ("Službene novine Tuzlanskog kantona", broj: 12/09), a koji je odslušao i ovjerio sve obaveze iz predposljednje godine studija, ima pravo upisati završnu godinu studija i bez ispunjavanja utvrđenih uslova za upis u završnu godinu studija, pod uslovom da ga u narednoj akademskoj godini sustiže generacija studenata upisana po izmijenjenom nastavnom planu i programu.

(2) Odredba člana 190. stav (2) ovog Statuta i odredba stava (1) ovog člana primjenjuju se od ak.2009/10 godine.

Član 56.

Ova Odluka stupa na snagu danom objavljivanja na oglasnoj ploči Univerziteta.

UNIVERZITET U TUZLI

Broj: 03-9035-1/10.

Tuzla, 24.11.2010. godine

PREDSJEDNIK SENATA:

Prof.dr.sc. Enver Halilović

Ovaj Statut objavljen je na oglasnoj ploči Univerziteta dana 26.11.2010. godine.